

KIROL ESPARRUAK BESTE JARDUERA BATZUETARAKO ERABILTZEKO ARAUAK

Titulu honetan erabiltzaileek instalazioak kultur ekitaldietarako, aparteko kirol ikuskizunetarako edo kirolaz kanpoko jardueretarako erabiltzerakoan izango dituzten eskubide, betebeharrak eta baldintzak normalizatu nahi dira.

100. artikulua.—Kirol-instalazioak beste helburu batzuetarako erabiltzeko arauak

Instalazioak eguneroko kirol jardueratik kanpoko ekintzetarako erabiltzeko eskubidea dute pertsona fisiko edo juridiko, kirol eta kultur elkarte eta aitortutako bestelako erakundeek arautegi hau bete eta erabilera horri dagozkion tasak ordaintzen baldin badituzte.

a) Edozein udal erregistrotan izena emanda dauden udalerriko kirol edo kultur elkarteek honakoak aurkeztu beharko dituzte:

- 1) Instalazioen egun jakin baterako erabilgarritasunari buruzko idatzizko eskabidea, Orozkoko Udalari zuzendua. Eskubide horrek erakunde eskatzailearen datuak zehaztu beharko ditu (izena, IFK, lege-ordezkaria, helbidea, telefonoa...). Halaber, ekintzaren helburu nagusia ere adierazi beharko du nahitaez, eta musika-ekitaldia baldin bada abeslari eta parte hartzen duten musika-talde guztiak argi adierazi zehaztu beharko dira.
- 2) Orozkoko Udalak ahalik eta eperik motzenez erantzun dio aurkeztutako eskaerari, idatziz. Eskabidea onartzen bada, elkarteak dagozkion Erantzukizun Zibileko Asegurua baduela egiaztatu beharko du, erreserba baliozkotzat jotzeko.
- 3) Azkenik, tasa ordainduko du, ezarritako epeen barruan; hori baimena ematen duen ebazpenean sartuko da.

b) Izapide horietaz gain, aurreko kasuan sartzen ez diren pertsona fisiko edo juridikoek honakoak aurkeztu beharko dituzte:

- 1) Fidantza, baimenaren jakinarazpena jasotzen denetik 5 eguneko epean. Fidantza epe horretan ezartzen ez bada, erreserba ezeztatu egingo da, eta egun horretan instalazioa libre geldituko da.
- 2) Fidantza ez da itzuliko eskatzaileak ekitaldia bertan behera uzten badu.
Ekitaldia amaitutakoan, eta instalazioan kalterik eragin ez dela egiaztatu ondoren, fidantza itzuli egingo da.
- 3) Ekintza baino hamabost egun (15) lehenago, sustatzaile edo eskatzaileak honakoa egin beharko du:
 - Udal bulegoetan aurkeztu instalazioa alokatzeko kontratua sinatzeko.
 - Instalazioa alokatzeko tasa ordaindu, eskudirutan, transferentzia bidez edo adostutako banku-taloiaz.
- 4) Ekintza hasi baino bost (5) egun lehenago, sustatzaile edo eskatzaileak honakoa egin beharko du:

— Orozkoko kiroldegiko bulegoetan Eusko Jurlaritzako Joko eta Ikuskizunen Zuzendaritzak emandako baimenaren kopia aurkeztu.

— Orozkoko Udalak izendatutako langileekin bilera teknikoa egin.

5) Lagapen modalitate bat bakarrik egongo da:

— Egun osorako alokairua: eskatutako eguneko 9:00etatik hurrengo eguneko 14:00ak arte.

Modalitate bakoitzak bere tarifa izango du; sustatzaile edo eskatzaileak egun osoko alokairuari dagokion tarifa ordaindu beharko dio Orozkoko Udalari, Udaletxeak berak ezarritakoa eta fidantza ere.

Goian zehaztutako amaiera-orduetarako instalazioa erabat hustuta eta garbiketari ekiteko prest egongo dela ulertzen da.

6) Sustatzailearen kontura izango dira baimen eta lizentzien gastuak, baita barrutian egin beharreko ekintzarako beharrezkoak diren egile-eskubideen eta era guztietako estatu eta probintzi mailako zergen gastuen ordainketa ere.

7) Orozkoko Udalaren esku egongo dira energia elektrikoaren eta garbiketaren gastuak eta, halaber, instalazioaren lagapen denboran instalazioko langileek betetako orduen ordainketa.

Ekintzaren ondorioz sortzen den beste edozein gastu (oholtza, aulkiak, publizitatea, zaintzarako langileak etab.) sustatzaile edo eskatzailearen kontura izango da.

8) Orozkoko Udalak ekitaldi horretarako arduradun bat jarriko du, eta bere eginkizuna ekintza gauzatzeko beharrezkoak diren ateak ireki eta ixtea izango da; bestalde, sustatzailearen esanera egongo da ekitaldiak dirauen bitartean sor litezkeen larrialdiak ebazteko behar den laguntza emateko.

9) Sustatzaileak kontratatutako ekitaldiaren antolakuntzan parte aktiboa hartzen duten guztien jarreraren ardura izango du, baita bertaratzen den jendearena ere.

10) Sustatzaileak konpromisoa hartzen du instalazioetan sor litezkeen kalteak ordaintzeko.

11) Sustatzaileak publizitate kartel eta pankartak jartzen baditu, horiek ekitaldia bukatutakoan kenduko dira.

12) Barrutian ezin izango da instalazio bakoitzak duen toki-kopurua baino jende gehiago.

13) Orozkoko Udalak bere egiten du bere instalazioak ez lagatzeko ahalmena, baldin eta horren bitartez aurretik egindako lagapen bat kaltetzen bada.